

প্রতিফল ডায়েরি

আমরা অষ্টম শ্রেণির শিক্ষার্থীরা দলগতভাবে আমাদের এলাকার প্রাকৃতিক ও সামাজিক উপাদানের পরিবর্তন সম্পর্কে তথ্য সংগ্রহ করেছি। আমাদের দলের অনুসন্ধানের জন্য নির্ধারিত বিষয়টি ছিল, 'আমাদের এলাকার প্রাকৃতিক ও সামাজিক উপাদানের পরিবর্তন'। আমাদের দলে মোট ৫ জন সদস্য ছিল। দলের সকল সদস্য সক্রিয়ভাবে কাজটি সম্পন্ন করেছে।

প্রথমেই আমরা দলগতভাবে বেশকিছু প্রশ্ন তৈরি করেছি। জরিপ পরিচালনার আগে আমরা স্থানীয়দের কাছ থেকে তাদের তথ্য সংগ্রহের অনুমতি নিয়েছি। এরপর সবচেয়ে গুরুত্বপূর্ণ এবং প্রাসঙ্গিক প্রশ্নগুলো নিয়ে স্থানীয়দের মাঝে সরেজমিন জরিপ পরিচালনা করেছি। স্থানীয়দেরকে আমরা প্রশ্নগুলো জিজ্ঞাসা করেছি। তারাও স্বতঃস্ফূর্তভাবে আমাদের প্রশ্নগুলোর উত্তর দিয়েছেন।

তথ্যগুলো সংগ্রহের পর আমরা প্রাপ্ত তথ্য বিশ্লেষণ করেছি এবং তা একটি গ্রাফ পেপারে উপস্থাপন করেছি। উক্ত গ্রাফ পেপারটি আমরা আমাদের শ্রেণিকক্ষের দেওয়ালে লাগিয়ে দিয়েছি। এরপর আমরা আমাদের প্রাপ্ত তথ্য এবং বিশ্লেষিত তথ্যের সমন্বয়ে একটি প্রতিবেদন উল্লেখ করেছি। সবশেষে আমরা আমাদের যৌক্তিক সিদ্ধান্ত উপস্থাপন করেছি।

পুরো অনুসন্ধানি কাজটি পরিচালনা করতে গিয়ে আমরা বেশকিছু দারুণ অভিজ্ঞতা অর্জন করেছি। বিশেষ করে আমাদের এলাকার বিভিন্ন প্রাকৃতিক ও সামাজিক উপাদান পরিবর্তনের কারণ কী, তা আমরা পূর্বে এতটা ভালোভাবে জানতাম না। কিন্তু স্থানীয়দের কাছ থেকে শোনার পরে এখন আমরা এ পরিবর্তনের কারণগুলো খুব ভালোভাবে বুঝতে পেরেছি।

ADMISSION & ACADEMIC CARE